

太乙舟詩集

太乙舟詩集卷十一

新城陳石士甫著

三男蘭第校刊
從姪孫夔

歡好曲

爲譚退三姪人劉珊珊作

窈窕上谷文容艷生光輝問年指明月纔及三五時
儂歡有故人斛味爲料理故人識歡心畬蓮贈儂字
娉步東廂下姍姍態自妍留仙誰所畫褰縐得歡憐
高鬟臨鏡就纔得並歡肩歡情長於影願歡享高年
問夜早朝時衣篝香細度侍歡讀道書研朱和曉露
歡情藕有絲歡意蓮有實儂與歡同心底將花比色

擬司馬溫公今古路行

古路循康莊今路歌夷東今路卽古路萬世遵蕩平

讀山谷詩偶題

愛讀山谷詩爲其情最厚四始六義中宗派重江右

題李蘭卿湖淮紀遊圖

陳登不可作仁矣循堤心所事難于古勤勞碑自今

高堤行

平世不忘武謀國等謀身龍虎歸調揖還丹駐好春

晚山

淮流今入江孟子乃不誤生壁虔祈報尋源得其故

晚山

穿肋亦厠渠通漕有成法殷勤訪古心山登而川涉

龜山

翠微連傑閣松徑與梯嵐俛臨波萬頃莫辨來時帆

看胎

欲携龍井茗去試玻璃泉因君夢武夷擬賦幔亭

閣余使

未遊武夷爲憶

碧泉品茗

廣利開仙宴

頗聞羣仙宴廣利雲
訂制府紀事詩句

高秋月色中君隨八州

督來瞰冰夷宮

洪湖泛月

聽雨成詩夢懷人每此時多君爲民事諮訪有驅馳

周橋聽雨

題畫菊陶子俊屬

顏齡不可制思得養生訣昨夢就菊潭飲泉芳且冽

題畫石榴便面黃小舟屬

聞說重思稻米如石榴子誰與猷仙官試問柱下史

題臨頓新居圖

有序

潘功甫舍人于道光癸未夏屬友人作臨頓新居

圖以寓其思親之意甲申春將乞假歸爲大父雲
浦封翁八十壽以是圖索同人詠歌而持歸爲作
觴之獻夫人子有壽考之親而事之至樂也其親
之壽考而爲乞養之身其重堂年登耄耋視聽不
衰樂其孫之能養志以娛親則尤爲世之所難得
而其兩世皆賢者又皆有兄弟友于之樂則其爲
世所不多觀之族不尤爲難得之盛事而可見諸
詠歌者乎今芝軒尚書年初及艾乞養家居撰杖
進食優游林泉上有雲浦封翁康強壽考以爲之
親而下有克紹家學功甫舍人以爲之子其旣備

家庭之盛事矣。尙書與吾家鍾溪同登乾隆癸丑上第而用光于尙書爲後進嘗得過謁邸居與聞誨言嘉慶壬申春用光過吳門未及謁雲浦封翁而得見尙書之世父榕皋先生及尙書從弟理叁前輩因得携榕皋先生之詩集以歸今與功甫同居京師時時以詩文相切劘蓋兩家之交誼若此頃得大父澠丞府君肄業成均時所爲易義劄記數帙喜其爲家中未有之本而用光得之于六十年之後乃如與大父音容相接而目紆其范喬捧硯之思也則于功甫之養志而其家庭間備人世

難觀之盛事而可爲歌詠者安能已于言乎爰綴之以詩而爲之序如此云

悅親以文學輔仁求友聲簪纓與林泉因之增其榮盛事世難觀至樂吾尤羨遲汝紹家風瀛洲與相見

乾隆丙午先君以兵部郎中監督大通橋顏其廳事曰朋簪清燕之居嘉慶丙子用光省仁山四兄于通州過此見題額猶存而先君棄養已八年矣四詩志感

白粲盈桴就橋泊一橋跨水影如弓阿咸記否同清譙指點清波落照中

三十年如彈指過，榜題想像舊朋簪。諸孫葛帔行風雪，老

輩吾悲蔣翰林。

先君與藏園交最厚，令其孫貧游京師，爲餬口計。

少時未踏春明路，索米金門已壯年。祿養心孤頭漸白，龍岡何日表成阡。

先澤留傳愧冶裘，一官豈爲稻粱謀。不才只合歸慈肆，更爲吾家子弟愁。

題伯兄校書圖

中秘書多許校窺，槧鉛勞亦拜恩私。儒生畢竟邀知

遇，記取登名借計時。

我到春明後廿年，追尋舊夢亦愴然。牢之化去遺編在，家

塾桐陰尙帶烟

文穎唐文兩館開清班我亦附鄒枚編摩未勒私書就愧
說雲山證果來

補藤詩與借藤詩舊宅新居到處宜忽向畫圖醒昨夢綠
陰如幄校書時

題仲兄朗亭桐陰按曲圖

洞簫聲裏素琴張蒨院桐陰生晚涼消遣中年憑底事髩
絲容易惱潘郎

商畧樽前醉綠蛾閒情暫許放懷多金徽罷奏房中曲素
口蠻腰可奈何

欄杆曲曲樹離離
羅幕如烟映碧漪
明月莫驚池畔影
鴛鴦有夢正相思

如此園林久住難
軟紅塵土去彈冠
他年聽鼓迴鄉夢
侍女熏衣夜向闌

重題棗花書屋課讀圖

故園夢隔卅年餘
嘉樹清陰衛勝初
教與兒孫知往事
棗花香裏讀遺書

送從兄鑑軒觀督旋閩至蘆溝言別

姜被猶欣一夙同
明朝歧路各西東
儘憑海水添更漏
政恐離堂話未終

秣駕無由挽却迴蘆溝行色夕陽催相思後夜團圓月曾
照今宵客夢來

束裝吾亦賦歸與有約重陽定買車官閣若吟春草句阿
連早已到鄉間

蘭滋送至梅嶺歸途遇雨念之不能成寐次日至羅
源作詩寄之

遇雨剛逢喜雨時憫農心事汝應知却因山徑須防滑望
汝平時此意持

題蘭花竹石便面寄歸示蘭祥

蘭性惟於竹石宜家園題榜夢歸時余家園額曰竹石山房朝衫未

著終須著望汝門風共主持

題漁洋山莊圖爲伯芝作

興到詩成否則無人生天地一蘧廬家園何必非鴻爪三
宿心情合破除

拋却棲靈一珩青懶眠巷裏券初成不知一卷梧桐影後
代誰題白石生

偶閱漁洋集集其句寄懷伯芝

帽影鞭絲何處歸清談應是勝張機吾家子弟誰矜咳可
便文人有愧辭

憫輿夫舟子示大煥大慶四首

樵夫汲婦穿雲外下嶺登山苦聽傳我坐肩輿無个事如
何浪使水衡錢

此亦昂藏七尺軀刺船裸體費工夫夜來一覺懵騰睡雨
外風前醒也無

晡後長年欲歇舟爲言灘急在前頭畏難避事當官耻莫
向舟人怒竊鉤

讀書五穀能分否執袴何曾不悞身治事如何勤四體分
途同勵克家人

以從叔畫竹留別曾霽峯

白沙鄣路憶名邨從叔居之畫偶存一種老懷難忘處

收竹實護龍孫

題畫寄吳氏妹

風枝露葉影橫斜
占斷鄉園水一涯
省識同根相憶處
早將歸夢約梅花

題畫寄內

抱取瑤琴立淺莎
美人珍重意如何
關山不隔相思夢
未聽絃聲感已多

去歲自陳州挈家屬
舟行至八里梁
乘驛輜抵浦口
今歲自浦口往陳州
其舟車之路皆與去年同途
中述懷寄內二絕句

眉痕一抹望中山分載年時記共看羈緒忽懸殘月影騾
綱重聽五更寒

淮流北接蔡河暈新漲憑誰記纜痕重上小舟一迴首雲
山千里夢江邨

爲雪蘭題靜華館

十年離緒短長吟春月能明兩地心今日唱隨天付與雙
聲聽取綠窗琴

泛宅詩成句自工塢篴和處意雍容筆牀書格西頭屋認
取吾家女士龍

青棠掩映碧窗紗甥館春深盛物華慈母忘憂踏蠲忿宜

男花是吉祥花

題曹墨琴夫人臨麻姑仙壇記爲雪蘭從女題

臨波館內簪花格響擗摹來筆尙新若使麻姑到塵海評書也重衛夫人

艷說西江寫韻樓文簫夫婦足風流可知上界清虛府亦有神仙賦好逑

薨尾銀鈎氣自華東吳才女筆爭誇吾家道蘊能吟絮肯讓金鸞出白家

欲往視譚氏女子壽暉厝塋阻雨不果遣兒子蘭第往焚此而作書禹門婿使之寄貲修理

楞伽山畔縱蛟涎水過閭衝墓外甌老我有綠如再到會
須拄杖看新阡

哭靜娟十六首

惡風吹夢醒秋窓淒雨同飄淚萬行

是日風雨

不信塵緣拋斷

日選期也近展重陽

靜娟以辛酉展重陽日歸余
今但多半日而過二十年矣

世無和緩莫延醫聽說延醫淚總垂不聽卿言終自悔悔
心愧遣九泉知

無處尋君話離別且求入夢訴酸辛如何夢境安聞甚了
不知卿是病身

病情翻覆已經時伏枕才逾十日期若使關心人勸識求

醫安肯付庸醫

平生心事付蕭條此去知君恨未消千里見娘才一面十年待我不乘輶

閨中望子尋常事胸次如鄉却灑然生怕膝前無俊物阿奴碌碌受人憐

今知福慧信難兼纔舉甥孫病旋添幾度厭穰終莫救離魂不就影襦襜

病中料理嫁兒衣午倦深憐氣力微三婿上林如接翅他年慰汝有光輝

十年悔我太將牢性好單棲似百勞早識抱衾緣分淺專

房合做富家豪

熏衣量米更何人
百事憐君任一身
手把綾衾送君去
爭教大婦不沾巾

當年不肯身離嫡
隔一中唐尙覺遙
今日拋儂向何處
由房無術可魂招

牙籤玉軸安排好
夢裏能來見也無
悔不前時慰卿意
惜財使汝病難蘇

昨潔治靜娟室兒輩有夢其來觀此室者

廿年童僕亦知恩
剩得賢聲處處存
宰相無名空有傳
笑他調侃是名言

朱野雲謂位至宰相無人稱頌之不如女子有賢名者以是語慰余

舊主相依厝室寬
教儂一去一心酸
出門便是天涯路
有

屋留卿見面難

素影亭亭夢曉寒綏山桃熟不能餐春愁春恨歸何處祝

汝他生作牡丹

春浦嬌曾爲乞得黃季知畫素梅牡丹桃是幘子以致其頌祝之意今仍張于齋娟

室中

無端愁緒上心來抹月批風興盡灰底事平生能作達者

番懷抱竟難開

席姬百日寫經後賦此

轉經厭覓僧徒鬧苦行沙門那得來手寫多心經一卷聊

當營奠與營齋

月夜寫意

老樹空庭寫月明
折枝影裏有人行
歸來響屐憑誰聽
空憶階前喚女聲

長眠人豈不知寒冷
月荒郊自夜闌
莫更思量添半臂
儂猶容易耐衣單

七夕追憶靜娟

金風玉露可憐宵
除是他生賦鵲橋
此去故鄉應較近
芳魂能否認星輶

九月初二夜追悼

不分三生一夕休
傷心重見月如鉤
黃泉若信今宵冷
有夢還來替我愁

逋髮如雲未上笄硯南花北總相隨早知繡閣終無分落
溷飄茵合聽伊

一顆明珠掌上擎鸞篋笑靨問三生誰知此福難消受我
亦如人不少贏

斜倚紅窻太瘦生簾紋如水夢初成可憐連瑣聲俱斷從
此春來不聽鶯

返魂無計拜蓮龕旬日誰將噩耗探從此嬉遊腸斷處只
提下七莫初三

晦朔何人更數冀魂消浹月此三更細思此誤非醫罪只
合儂居薄倖名

太乙舟詩集

卷十一

十一

贈花詞四首

六曲屏風護翠幃
銅荷一尺聽談詩
簾波不隔雲鬟影
記得去年初見時

却聘曾拋八寶釵
等閒青眼肯輕廻
憐他一諾千金意
不是明珠買得來

飄茵落溷夢悠悠
那得如卿意總酬
多少人間隨例嫁
就中容易着春愁

願向粧臺侍女君
遙情迢遞託鄉雲
此心已得夫人許
憐惜知應到十分

定情詩

曾沾紅豆拜雙星鵲駕無聲夜獨聽若數夢中相訪路迢迢已過百長亭

一枝如意上釵頭記取而今願總酬眼底花叢儘拋得問卿可否識儂愁

髫年小字問誰如半臂攜來感更紆慚愧雨行修史燭不教卿喚宋尙書

夏夜有憶

霧鬢風鬟夢杳然倚窗遮莫有嬋娟迴燈不照驚鴻影秋近明河已七年

曹氏女子順兒詩

大言集卷二
聰明性格好身材隨母浮家泛宅來
絮果蘭因何處問朱門蓬戶與分排

繡來輦輓巧隨時一卷猶能趁暇時
教與詩書都上口吾

家道蘊最憐伊

嘗從吾壽
婦女問字

母病持齋夜禱天調糜煮藥伴娘眠
三山官閣鷄栖處禮佛無聲矮屋邊

母痊兒病可勝愁閭舫無船有去留
誰信胥江成死別斷紅不送主人舟

榴花照眼換三春續命絲難繫此旬玉
筋雙垂身示寂佛

因緣現女童真

女歿于五月初十
日歿時鼻垂玉筋

分遣器付慈親線帖書襲著淚痕一具文奩云贈我
言未報主人恩

汝親痛汝索題句根觸衰年變汝心曾向上方山外過近

聞宿草墓門深

女墓在木瀆舉舉余諱
氏女寄歸墓近上方山

綠春詞爲蘭雪姬人作

買春奉約已經年不遇名花信不傳今日檄書報蘇蕙晉

人風味隔生緣

事見蘭雪自序

一笑花叢眼倦開謝他蝶使與蜂媒鹿車能共夫人挽那
要珠璣十斛來

夾竹桃開花幾盆蕉陰比較月黃昏夫人恰送高堂至茗

話從欣竹有孫

識字曾聞上口多料量薪米更如何
儒家中饋書生妾服
飾居然謝綺羅

藏花門草費工夫掩卷誰翻主客圖
昨見詩龔居士問錦

裙紀罷有詩無

時帆學士頻索蘭雪詩債故調之

新城蓮花樂詞

當里中竹枝詞

約指彊環壓鬢蟬感郎叩叩復拳拳
蓮花深處儂家近知
有郎來特見蓮

門前流水碧澄澄照得鴉鬟鏡一層
拋與紅巾緘與意傳
書青鳥是魚鷹

龍湖祠前報賽忙
好將十索慰丁娘
六幅羅裊花萬朵
請看花外繡鴛鴦

墻間此調唱來多
難得官人也踏歌
若使乞兒無乞相
衣冠隊裏共婆娑

楊枝竹枝本事詩
此是虛無假託辭
借得蓮花來點染
吹簫擊筑當堦簷

夢歸保疎堂由先君寢室歷夾室至寶閣堂

省墓初心賦遂初
趨庭原自愛吾廬
兒時院宇經行處
夢裏堂名記保疎

故鄉習尚全殊昔
來日真應賦大難
說與寶閣命名意
吾

太乙舟詩集

卷十一

七

家禮法未曾寬

疎如何保閑如何寶綺如松如暨桐孫竹孫稻孫叔姪宜審思之

庚寅嘉平五日夢晤十五弟於中田問三叔母在何

處十五弟云避生日往一鄉村約四十餘里余遂

至其村見叔母起居畢有童子男女各二三人似

是姪甥輩女獻雜佩男質詩文熙熙然卅年前淳

樸氣象也愍鄉閭之近習思一挽其猥薄醜而賦

一絕句

不見慈顏卅載餘望中水竹好村居女嫻鍼黹男詩禮兒
亦思乘下澤車

自題寒閨訪夢圖

靜娟席姬事余二十年其勤儉刻苦余旣爲葉兒
樂府脩述之矣生前未爲寫照以靜娟之爲人非
可以絳樹青瑩等類題品之及其病甚又不料其
遽至不揀旣歿之後又拘于圖寫不類便是他人
之說不爲之畫遺容而情不能已屢陳受笙朱野
雲周韻皋爲四圖但寫意留爲記念而已旣以三
圖予其三女而自留一圖復系以二絕句

夢裏人遙四載餘年來頗怪夢俱無葉兒樂府難重續情
鬢星星一展圖

花徑新開人已去

後園築室數間種花甚夥乃癸未冬所創莫從粉素認園林

海棠不與同評泊，淒絕春來讀畫心。

行館盆梅盛開，感憶席姬重題訪夢圖二絕句。

淒涼斷夢十年餘，忍見繁英照綠疏。
若使玉簫真再世，花魂緣分不孤虛。

浪蕊浮花儘自開，瓊枝何處玉爲胎。
巡簷只合添惆悵，難得香魂入夢來。

七夕苦雨

支機石上問前生，風雨無端暗浪驚。
天上人間同悵惘，一年好事不分明。

七夕苦雨和沈湘南韻

銀浦流雲挾雨飛一庭秋色上簾衣七葉錦比迴文錦知

否天涯淚掩機

湘南時得家信故調之

鄂君被冷失同心羈緒無端更苦吟拋得閒愁消得恨雙
棲還覓舊園林

一樽聊與慰飄零僕倦無嫌睡觸屏何事雨中孤坐冷苔

泥怕印屐痕青

是夜約湘南小飲湘南不果來

筠園同年補示見祁春浦堦詩見贈之作次韻畱之

侍郎夙望領西風老眼偏於後輩明我愧昌黎與六一不

妨蘇

東坡李

漢自聲名

喻東白妹夫梧陰書屋圖卽送其之東平

園林未築且成圖清興平生愛讀書老屋三間梧百尺何時別構子雲居

負米身憐欲住難三間屋亦夢中看只今孤棹齊河外楓葉蕭蕭驛路寒

來日題詩慰令暉未能割宅意全違沙哥雀嫂焚香處簪筆携家住帝畿

話到浮生果苦多桐陰有夢亦烟蘿事親嘗以官身判養志偕君學守和

題號舍壁

當頭明月已團圓皎潔全憑上界看領畧風前花信好吹

將春色上毫端

矮屋忽成歸夢遠鄉心未許宦情酬檣烏便是慈烏樣鮮

送春江此日舟

時大人自陳州旋江西

口占示蓉裳

一卷遺詩尙典型不教埋沒此科名人間何處韓陵石努
力金鰲頂上行

無題

君房言語妙西京束帶峨冠派自成除却皋夔數僑札風
流不似漢公卿

偶題

太乙舟詩集

卷十一

十一

若教嵇阮漢初生
禮法寧慚月旦評
天遣南朝稱放達
却緣師友累才名

樂府曾聞君子行
古人心跡兩分明
瓜田李下無荆棘
造次偏多鄭重情

小遊仙

上清名字落人間
瓊想瑤思未解顏
不信神丹難乞與
蓬萊無地破天慳

詠史三絕句

莫將纁帛盜虛聲
議論須全處士名
唐代漫聞徵李渤
漢家早已笑樊英

陽城真是諫官才臣直知從主聖來鑄像鑄他張萬福天
威都向一言回

馮流法始漢王景爲壑謀生周白圭催却興公遂初賦大
農使者領金堤

無題

沼盆島石環游處底事鰈魚特費才不管人間多涸轍琴
高回首只悲哀

秋生雁渚與鷗沙黃鶴樓空只暮霞但有將雛無反哺荒
村啼殺後栖鴉

與冷華雲司馬 絳王 話舊卽事贈二絕

聽說勞山景最奇
桃花不墮懸嵯枝
尋仙有約偕君去
同話海潮應地時

樓外天光夕照開
樓前江影崔飛廻
自緣吹笛非今事
我不登樓崔不來

和芸潭遣興絕句二首

昨宵一雨送秋來
陡覺新涼枕簟迴
底事多情花外蝶
尙縈舊蕊點蒼苔

兒曹文筆未蒼堅
秋駕猶思控玉鞭
笑我吟髭拈欲斷
涼蟾影裏聽寒蟬

雨夜不寐

一夕淋漓雨不休明朝山色獻晴不寒窗聽雨更番夢身
事牽連感白頭

秋暮懷人詩十五首

少詹博學該今古老去心情更愛才我到寶山空手返寸

莛慚說叩鐘來

錢少詹大昕

解組歸來靜閉關風期高峻許人攀公憐少日蕭淵藻我

識當年元次山

梁侍講同書

蓬萊才子領河防班志桑經考核詳奪却更生都水監天

教太乙借藜光

孫觀管星衍

石友平生推魯四紫薇花下過三冬斜街賃屋定何處獨

把殘編哭仲容

魯舍人續

十年姑孰首重回刻意吟詩榻對開莫笑隨人難作計平生句法似君來

蔣孝廉知讓

樂三吳二風流甚唐宋詩名各擅場若把阮亭比定甫合將蘭雪配蓮洋

吳上舍耑梁

吳學博照

樂明經宮譜

徵君家法有師承貫串真能通六經已領龍眠都講席更開浙水草元亭

胡徵君虔惜抱先生弟子

姚君恃才頗偏宕綠韞紅袖倚風情佔能折節承家學一

解旁嘲晏子楹

姚孝廉衡

方生年少苦吟詩萬卷圖身月照幃我欲獻芹君許否莫

門七子學妃稀

方秀力束樹

譚郎奇氣不可壓盤馬彎弓事事能乞食一枝鐵簫冷麻

衣影裏讀書燈

譚公子光祐時持服里中

結交莫結輕薄兒學詩須學古人詩我愛喻生好才調贈

茲二語明相思

喻明經宗崙

經義而今等芻狗競將偽學開宗風山左斯文留一脉間

韓死後有盧公

盧儀部蔭溥

尋師兩度江南夢總飫君家苜蓿盤常笑彩毫傲霜鬢詩

名不稱廣文寒

毛學博藻

少時心跡兩相親十載浮沈判夙因蜀衛好成蘄尾集宮

花莫負上林春

從子希曾時視學四川

狂論時時就癡叔阿咸才調劇縱橫著書亦有感三耳莫

把心香悞此生

從子蘭祥

乞萬廉山畫龍眠授經圖

吾師贈硯十年前每讀銘辭便黠然寫取高山流水意一

生詩夢遶龍眠

姚師丁卯年贈硯一方其面鐫高山流水四字背鐫銘云翠嶺倚雲紅泉渴玉管城

是居超然遠俗欸暑蓬萊山樵不知何人所作余重其姚師所贈往年以之爲詩課題今晤廉山屬其以銘辭謄寫

龍眠景志授受之意云

有感

江公枉詔魯詩宗歌奏驪駒宴未終可識翁恩高蹈意不

妨倚醉聽東風

天際冥鴻自在飛
龍眠山草翠周圍
遙知倚杖臨風立
特爲門生一啟扉

懷梁山舟先生

我憶西湖老居士
高風不借善書傳
雋遊倘續南屏夢
我亦題襟非少年

懷丁小疋杰

服鄭平生共一燈
丁君漢學重吳興
何當商略傳經事
話我思君十載曾

追憶祝人參先生

祝子於吾大父行禮經新注在巾箱先生禮記註學緣私
淑書能讀漢宋平分一瓣香

晤春園言人壘先生之孫固其中表丈人行也而後
嗣不振復綴一首

當日商瞿遲得子而今再世有孫曾如何三秀難成瑞不
許嘉禾記歲登人壘先生得子時名之曰陳禾

芥航晤後以勘工高寶與余先後發棹舟中無事復
成數絕句呈芥航索和

吳中同趁一帆輕小別仍留握手盟共此一條水帶水君
來我去再班荆

兩圖付我歷行裝
觀瀑龍湫願得償
感舊石樵題句在何

堪楚笛又山陽

石樵以所易晴芥藏徐幼文雁蕩卷屬題余未題而出都頃摘芥航天台雁蕩兩圖

俟至浙東後補青芥航語以傳聞有介坪靈蕘不勝感愴及之

春服昨朝剛欲換
夜來風雨忽寒生
輕裝君倘未裝減
擁被輪吾夢易成

雪響驚從雨後增
陰陽愆伏理難憑
東南事事關宸慮
佇迓天和驗庶徵

次韻東荔峯同年

花意亦如禾待雨
葉凝乾碧向空排
澆花心到竺壇畔
先約風姨靜午街

半年酒戒未曾開
這暑偏工覓句來
獻罷螭杓甘澍頌
定能招我一啣杯

過黃初甫前輩寓齋

碧瓦鋪鱗樹放煙
幾家茅屋雨絲邊
全收野趣歸窻底
題榜應書小洞天

瀟瀟雨響猶懸溜
漠漠雲陰欲叩關
見說西山當檻在
不教容易惹煙鬟

飽看經旬屋漏痕
借他篆法好書裙
北窗撤却烏皮几
又與移床賦撻雲

贈柴比部虛舟

甲申

月臨幽戶不知寒一局楸枰子細看領取性情高寄處渾
忘主客在長安

涼宵暑夕共追隨投轄都從下直時容易歲華彈指過梅
花又發向南枝

論詩品畫態惜惜氣味如君恰似琴國手一言堪悟處平
矜釋躁有同心

寄懷徐石溪大令

城北清標廿載前戲鴻筆妙走華箋天教換作爲霖手先
向西江結善緣

春明話舊一班荆霜鬢都看兩鬢成三晉雲山詩夢在清

風暑爲故人清

先公一疏受

恩知副墨思傳讜直詞

尊先甫畫堂侍御以言事受仁宗

知旋出守登州余頃索君以遺稿錄寄

莫謂南臺無正論桑林音合奏刀時

離懷三月詎能消燕晉相違路豈遙一種鄉心分宦轍匡

廬瀑布廣陵潮

江南關中聞監臨有疾以詩代柬

堂皇危坐過三更相見猶煩秉燭行奉職惟恭忘小疾誰

將此意曉諸生

江南應試諸生唱名時多越次者故欲以此義曉之

得陸方山書却寄

聽說梅花有替人寒閨訪夢憶真真儒家卅載清閒況當

日渾忘一字食

失題

春明花事訪更番每共郎君載酒看只有梅花消息少江
南詩夢破春寒

東閣他年話誦芬行當五馬賦離羣褰帷不忘趨庭訓長
與人間作好春

戲柬小松

夜中頻起渾常事老去情懷喜不孤聽取階前敲石響知
君亦飲淡巴菰

耿窗燈火撥重明牆角今方重短檠我倦欲眠君亦睡擁

門車軋下簾聲

荳溪樞判屬題申小霞倪黃合法便西小霞年十五
紫霞學士公子

青山紅葉望中深古法能于合處尋畫有倪黃詩李杜試
憑悟鏡證文心

一篇序贈張童子媿我才非韓退之記取海東名下士鄭
謙參後此佳兒

覃溪先生有題鄭謙參孤山亭圖詩

口占示高麗趙秀三

暖律初廻萬象蘇帝城登眺足歡娛朝正詩客如能畫
頗寫青雲千呂圖

太乙舟詩集卷十二

新城陳石士甫著

三男蘭第從姪孫夔校刊

題星池紀畧應宋生

至照

屬二首次首志感不必與

宋

五雲吟草句爭誇唐相家聲溯舊家我未讀詩欣拜像清

癯風格是梅花

鯉湖祈夢得佳城有子能賢志克成負祖痛宗孤本意阿

咸書到淚縱橫

先君壽藏鹿源而葬地則在西谷以先兄不樂鹿源從子蘭祥延張繁露為定宅

兆今年四月大葬余以未能假歸為憾

題元祐黨籍碑

三百九人齊勒石頌行天下玉融碑愛名翻笑羊公淺此亦能同峴首悲

銜結臣京奉詔書虞戈重見永興虞可憐此筆傳千古得與蘇黃並駕無

門生周菊人以所得山谷殘碑見贈拓而裝池之題
一絕句

玉門客有贈殘碑欲讀難于屬句時侯比杜公家短褐天吳紫鳳付裝池

題宋元名人墨蹟十六幅爲黃栗山農部作卷中有
陸筠書一通郭蘭石跋云筠金溪人著孟子音解

九十餘條余於賓谷前輩齋中見陳用之論語全
鮮而未見筠此書行當訪得讀之也

始于雍國終徽國七百年前書赫蹏我欲博蒐論孟解因
之重憶陸金谿

張柳泉太守購得沈學子先生手評十七史中多錄
歸震川汪鈍翁惠紅豆語柳泉尊甫爲學子先生
弟子因作讀史曷屬題

徙倚孤松百尺餘條然手把購成書讀書聲與松濤奮門
外無人來叩廬

遺緒能求學福齋

沈學子齋名

丹黃萬卷手初開鈍翁紅豆行

聞語便欲從君寫錄來

震川得力在龍門例意曾鈔副本存

震川有史記例意余手錄之

尚有

一書言水利知君能與訪江村

震川有三吳水利書項屬君訪購

每逢文字勤蒐輯君與姚君意共深

姚春木以蒐輯近賢著錄為已任君守陳

州時知西華張桐岡遠覽工詩文訪得其說經文字數種而為請

祀鄉賢太守劬書兼化俗從

看循吏出儒林

斗津遺著喜新收我亦年來有校讐

先大父嘗欲建章斗津先生此沈堂于東

湖先生畱書編余頃購得之

同是楹書珍重意鄉雲各自夢松楸

為蔣子瀟題鳳巢山樵遺墨冊

傳衣恩重不能忘尺幅殷勤為護藏我有龍眠書十卷他

年遺跡等蘇黃

題湘煙小錄爲家小雲別駕作

阮公題籤馬公序湘煙一錄重縑緗九原大慰紫君意夫
子結交多老蒼

國香營室有前緣難得重闌大婦憐墨會靈簫今寂寞秣
陵春色自年年

題寶篋西前輩詩冊

清辭麗句韻瓏玲腹笥工於運性靈宗派兩家兼擅處帶
經堂與曝書亭

出關行色一鞭秋指點河山豁遠眸主客圖中如摘句丹

青遜此筆雕鏤

莘農同年以詩橐質蘭雪有朝鮮使人索之蘭雪不
許未幾而失去往索東客而東客已行莘農繪海
天覓句圖屬題

錦囊佳句到難林誰識工吟自苦吟任國事如詩律細虛
懷求友一般心

閩嶺重重俯巨洋使輶過處瞰蒼茫海天詩思輸君健安
得聯吟一共商

題白將軍

雲上

所藏櫓門相國尺牘後應白君守清

守廉兩大令屬

兩紙遺書寶至今弟兄都有象賢心
替將儒將爲循吏努
力甘棠接舊陰

成就人才不市恩名臣風義相公存
高牙大纛談經濟合
向榕門一埽門

爲門人范修元題劉松嵐書冊冊書子賤爲單父宰
事

刈麥不教因避寇情民從此頌鳴琴而今山左風何似
入覃懷作客心

題無雙譜冊應林芝谷同年代人屬

讀書心兼讀史心置身端要上危岑
昨從石鼓山頭望入

海支流了可尋

黃个園得馬氏玲瓏山館而仍署其藤花齋之勝名
其達觀有足多者余作隸因系以詩

新宅還題舊勝宜達觀不為盛衰移春明寓舍江鄉屋根

觸詩懷入夢時

余京師寓舍及中
田舊宅皆有藤花

題勺園明府曝書亭圖

柳里憑誰訪石樓菱池醞舫此新修幾叢寒玉遮牆末

北垞

也竹南垞也竹護吾廬
幾叢寒玉竹垞題壁詞舊畫難從榜李求

魏顧論文訂一編傾心想見事前賢

亭林米叔塗乙先生
文稍庶本今藏平叔

制府蒐尋外稿重雕水曾否商量短檠邊

題明宜舉李氏三忠像

艱難國步好年華
臣節由來不顧家
遺像祇今歸後裔
當年春夢各天涯

爲六舟上人題沈石田自畫像

禪客心情重畫師
裝成遺像索題詩
蘇臺住與西湖住
一

種雲山作護持

住世安能八百年

石田自題有紙八
百天八百之句

石田翁壽有雲烟

除我相兼人相一
紙流傳亦偶然

題戴文端師遺像

國士曾邀十載期

師諱用光云
庶常留館後能耐貧
積學十年之後可馴至卿相也

何堪

遺像展斜暉西州一掬羊曇淚洒向松濤作雨飛

圖作松下獨坐

朱野雲屬題張憶娘簪花圖爲題于惠紅豆詩後

紅豆深情亦喫虛簪花影艷絳帷初請看粵鳥歸飛後
憶崔嶽伴讀書

過濟南題畫贈劉葦間廉訪親家

一肩行李投何處橋外鞭絲樹外峯我愧乞兒般漆碗壓
囊書擔一重重

松蘿情重客心閒渾忘炎天跋涉艱我欲仿他圖一幅尋
詩特寫鵲華山

大明湖水比心清郡國都傳繡笄名題畫不嫌段贈薄親

家風味是書生

題人行脚圖

聽說圍身萬卷書，靜中白業悟如如。
世緣難了從行脚，衣裏明珠自寶渠。

題張鱸江秋林讀書圖應其幼子涵屬

尺素曾通笠澤濱，卅年舊夢轉飈輪。
畫中想像揚雄宅，臥

柳當門草沒人

鱸江自題圖句

嘉樹堂前萬卷書，吳楹心事此勤劬。
致身他日青雲上，家法無忘勵志初。

題陳雪園讀書吾廬遺照並勗其孫舉蘭改官農部

初階聲望白雲亭老去滇南坐嘯成如此才華如此學當年竟未賦登瀛

讀書但要能經世官職隨緣可竭才不用商量平等法黃本自壓鄒枚

一椽老屋憶吾廬述祖詩成聽鼓初我亦久騰猿鶴笑鄉雲入夢樹扶疎

題畫留別麗泉中丞

古木懸崖石氣陰盤陀小憩話同心聞南鴻爪他年認夢境還從畫境尋

題蔣伯生縣丞

因培

重到汶陽圖

蘿莊風景此重開添寓官民夾路排畫此不嫌官氣象即
君今作使君來
于湖風月柳湖煙我亦趨庭憶昔年持節重遊何日事傷
心都在白雲邊

題程梓庭比部秋花幀子

草痕侵石作螺紋石畔秋花影乍分預約東籬延月色金
波漾處有紅雲

爲黃右爰題蔗生圖

禮遵厭降情難已永慕因成課讀圖此日書聲誰聽取梅
花窗畔淚痕枯

瑣閣璇閨禮教傳從游三女節差肩竟能成就貞兼烈羅
綺叢中有此賢

爲黃右爰題憶潮圖

卅年來往西泠路未學枚臬賦廣陵秋色秋聲發鄉夢少
年有此筆飛騰

珠湖漁隱圖爲阮梅叔

亨題

才名籍籍滿江關底事投綸綬退閒讀罷等身書萬卷珠
光終竟入人間

題霜帷課讀圖

綽楔旌門願已酬孤兒簪筆侍螭頭春暉寓戀慈幃素夢

入鄉雲書裏秋

未能迎養意寧舒脂轄行乘乞假車歸去好從燈檠畔爲
孃誦取石渠書

我亦兒時多病身萱闈娣姒共酸辛

先太恭人與三叔母魯太恭人最相得月

光幼時疾病皆叔母爲護視之調糜秤葯思量處輸汝南陔色養人

題喬鷺洲宜園讀書圖

讀書大是人生福況有家園足下惟我著朝衫同作客短
檠燈憶少年時

師友難忘講貫功漁洋淵穎較誰工讀君雜擬詩剛罷夢

謁蘇齋一畝宮

往覃溪先生嘗以漁洋和淵穎張麗華侍女汲井圖作詩課君集亦有此題

頃爲人題畫冊步船山韻誌感

船山曾爲余書梅帳額

老我低回讀畫身憐他紅雪已成塵卅年帳額今猶在難覓詩人賦莫春

戴崑禾太守出其尊人石士編脩畫竹幀編修自題云虛心友石寄蓮士五弟以致交相勗勵之意

星韶畫筆禁庭詩世澤巾箱謹護持壓倒池塘春草句名家法是箴規

平生詩夢在于湖悵未星韶接大蘇天遣墨綠繡賢守霞漳幸得讀斯圖

補題潞河祖帳圖寄懷左杏莊中丞

府身從謁 帝還乞休歲月儘寬閒平生詩格三唐近
歸去從容寫惠山

潞河一櫂放歸舟戀闕心兼憶舊遊投轄未能參祖席倚
雲詩合寄常州

石經嵌壁記淳熙訪古情殷布化時曾乞西湖蟬翼本每
開錦暉輒相思

早聞治譜勒成書循績功深澤古餘我補作詩君補寄一
槭迢遞盼雙魚

題王竹嶼松楸丙舍圖

入望松楸感慕同羨君馬鬣手親封離鄉如我真無著丙

舍今猶作殯宮

先太恭人西谷丙舍今以先君吉兆未得尙厝于其中

題王竹嶼夕陽春影圖

朝雲不共坡仙老一幅生綃寫夕陽知否玉簫緣分在韋
臯持節又他鄉

小農河上防秋圖

不知王景塢流法可與隴刊績異同木峴竹筩收效處曾
于河濟奠哀鴻

恩綸捧出自中朝珂里歸來亦節旄省識同功非一繭肯
因異議畧辭勞

題吳小坡秋江歸櫂圖

歸去讀書無限好南陔馨膳未嫌貧扁舟欲買圖先就羨
爾長安自在身

能紓臣叔娛親念來去都非自為心此是詩人根本事華
年不必感升沉

題畫

珍重湘絃古錦包半生幽恨自應饒淺莎踏處秋陰重莫
向雲堦墮翠翹

已從仙館得知音爭遣鸞驂夢裏尋知否碧雲天際合有
人愁絕據梧心

題潘功甫西湖秋柳詩畫卷

二十八年柳色中間幾度別西湖自慚不及潘公子佳

句流傳更有圖

戊午夏余始遊西湖靈隱綸光等處前此癸丑已酉雖再過未得遊也

鴻爪無端惹舊愁百年住世感浮休昨來遥洒蘇祠淚葛

帳西華有遠遊

庚辰秋王方委化于蘇公祠其子延思今携家寓京師

題畫

山椒雲氣欲成雨林外溪光疑著煙茅屋幾間人幾個知

誰讀易孰譚禪

題李芸甫員外觀源圖卽送其歸

出山泉有在山心肯向靈源著意尋畢竟歸心見圖畫題

襟人又悵分襟

題李芸甫員外南歸畫卷八絕

燕臺新柳未垂絲
路入江南放鶯遲
雲外青山花畔酒
羨君歸及好春時

影纓孔翠漾春風
戲綵威儀自不同
說與高堂應色喜
花前教試竹枝弓

綠肥紅瘦畫前遊
信有溪山無限幽
君前以夢中景作村居圖索題
客子

夢歸歸惜別可能無
夢到盧溝

君家仲子今摩詰
謂松甫
問字偏逢見面緣
可許瀕江真捧

袂采風來飲菊花前

君家從子數宗丞
十載頭銜共飲冰
聽說循陔將乞養
憑

拈紅豆貯行滕

蘇山卜築計何如
碧澗紅泉路豈紆
我亦欲歸尋二仲
惠書莫忘寄麻姑

交似周郎信飲醇
金尊檀板忽傷神
儘饒家具都留別
只是難留顧曲人

鞭絲帽影入林巒
只有離心欲畫難
盼取歸朝話鴻爪
詩懷重展此圖看

爲王鶴舟題伊銘谷畫時銘谷將出都門

倚裝爲畫米家山
使我三山夢復還
他日同朝話前事
不知幽興幾人間

爲黃君題松下課讀圖

黃君時尙未舉子而姬人初補身

松濤聲和讀書聲佳兆蘭閨吉夢成老福從來如啖蔗請看甘蔗是旁生

蔣伯生岱頂搜碑圖

我亦曾爲岱頂遊
雖未得快冥搜讀碑夜發披雲夢
重向齊煙數九州

題梅花林下美人

萬樹梅花一布衣
滇南有客性情奇
等閒寫作寒閨影
爲問賢賢世有誰

題畫送雲亭將軍

孤山天竺屢同遊
內召旋聞買去舟
認取相思無限意
西湖雲樹畫中收

題畫

訪梅昨日到孤山
三四分花未破慳
放鶴亭空鶴已去
今從畫裏看飛還

題陳琴齋鑑湖釣遊圖其首冊曰竹樓問字

鏡湖陳跡畫中尋
肯負兒時問字心
我昨新茱先友集
范喬泣硯感同深

海昌祝人齋先生先大父執友也余
不逮事大父昨刊人齋先生集初成

朱野雲屬題其畫

長松吟風石作鏡
趺坐者誰張素琴
大絃小絃初著手
移

情聽取海潮音

以畫贈潘梧亭觀登

有人贈我一幅畫雲氣欲雨松亞風舉似梧亭應一笑就
中山色是江東

小詩贈蔡海城卽以話別

劔書幾載別瀛洲經濟期君第一流湘茝澧蘭幽契在吟
情剛稱岳陽樓

集野雲擬陶詩屋題野雲畫扇送姚亮甫大常廉訪

秦中次鮑覺翁前輩韻

題詩贈畫話同心着紙晴煙欲滿林天意恰如人意處雨

無破塊是甘霖

時雨後

故人西望嶽蓮花
旋恐移旌拂鴈斜
我與諸君同所願
畿南節署作公家

吹簫乞食圖

負米當年乞食時
我知有畫未題辭
而今祿養心傷處
同廢南陔束皙詩

補寫舊作譚子受英雄兒女圖

少日飛揚興亦無
剪燈對我白髭鬚
補題換却前詩意
待賦中和樂職圖

自題伯昂少蘭合作藤花便面

鄉夢空知借樹軒芳鄰許結亦前緣有廬試續補藤句不

數昌黎責子篇

余家石竹山房有軒曰借樹軒先君官京師時買宅椿樹胡同庭中值籐花甚盛及

余來居而籐無存因買籐種之而作補籐篇以記其事主申移居悔眠胡同福文恭公故宅也其北鄰籐花甚盛蓋地本在此宅中今已售為濟南會館矣然籐花蔭過牆頭不啻余自有之與余家椿樹之名若巧相傳合因伯昂畫此便而乃題一絕句並詳識之如此若昌黎詩所云辛勤三十年乃始有此廬非余意之所有也甲戌三月識於禮閣之西廊齋中

題梅花便面贈李東雲同年之粵東廉訪任

我向孤山獨訪時君過庾嶺定相思班荆未酌西湖酒却盼羅浮入夢詩

題王雲浦遺照為甥婿王如璵屬

宦跡當年溯蜀中書生素志學文翁
郎君守此看雲意他日爲霖莫諱窮

送潘麗查同年之博羅令

兩輪四杵經營處詩老田功屬念專
誰與博羅添故事陳生同志有同年

送伯印少農星使典試江右

手把芙蓉下玉京廬山五老笑相迎
西江宗派忝詳處聽取開先瀑布聲

過家上冢拜

君恩使節榮於經里門一桁龍眠山色

好夢中釣石坐猶溫

戊午年曾隨
抱師遊龍眠

君家耆宿吾函丈文貴雲間合五家此筆難兼奇士少且
從雅正辨根芽

棘句釣章多麝鼎黃芽白葦苦披沙還朝細領論文語端
正吾鄉雙井茶

文節祠新有創基景賢同繫後人思煩君轉語南昌守
張子畏同助鳩工合寄貲

留別周素夫邗上

一樣邗江認雪鴻故人握手話從容肯教抹月批風手孤
負花前酒百鍾

綠陰如幕照江波頻向樽前喚奈何莫謂遊踪容易聚等

閒便是十年過

留別

湘臯佩向懷中失洛浦情從夢裏尋
尙有相逢緣分否尊前軟語記沈吟

良夜清樽惜易徂留髡恰未解羅襦
單情偏受離愁惱如此風懷韻也無

過采石

見魚何必察于淵人與蛟鼉各一天
我縱有犀甯肯照讓
他靈怪得安眠

宿州途中雜詠

太行別後少青山徐沛群峯翠始環行到符離空曠處却
疑身在趙燕間

去年輿誦滿江淮陶侃仁聲可化災今歲移旌知有祝練
朋鸞自皖中來

過西住佛東住佛戲作

綠隲平展抱溪灣未種高粱身事閒一咲諧聲呼住佛何
人拄笏與看山

了義誰參無所住更無像設著招提從知非相非身相別
有友珠照濁泥

過東住佛西住佛不見桃花

難逢白足訪三車空向邨名認佛家一笑無緣忝悟處我
來不許見桃花

過高唐州

古樂新聲費別裁里名標楔首重廻周郎不作縣駒死我
自江東顧曲來

聲音通政事非輕韶舞爲邦未易明且願中和歌樂職王
褒何武引諸生

遊大明湖

一層蘆葦一層荷遊舫彎環泛碧波試比秦淮與虎阜收
來野趣此偏多

界畫全憑蘆葦叢荷花高臥水當中荷花厭俗嬾出水蘆
葦搖煙都舞風

亭荒北渚蔓蒼苔李杜曾鼃去不回一笑百年前軼事詩
翁猶記澗泉來

葛衫葵扇兩三人避暑閒遊特向晨回首斜街兼厭肆京
朝官擔任天真

鍊公祠內好招攜疥壁全無劫婦辭忠義精神誰寫出涼
蟾照到白蓮時

良鄉晚發

餽牽沿例兼迎送勘合遙頒戒驛驢過使客多難稱意幾

番僮約學王褒

由豆店夜行四十里至涿州

纖雲四捲玉輪高林鵲無聲見羽毛此際家人知我在否三更月影在征袍

過呂仙祠小憩

門前活水碧于染墻畔小邱環作城行過石橋踏松影便無仙夢也心清

文章經濟兩難傳肯爲塵勞誤宿緣我有老親須祿養借公馭枕待他年

行館中戲題所見花木

陸葉陽枝費剪裁深紅淺碧倚晴開天公無意安排處各自還他稱意來

自汀州至龍巖途中雜詠六首

欲登東嶮先西嶮試向南岡望北岡來去憑誰安畧約山田幾稜界中央

灘響淙淙奔巨壑樹陰密密護行輿曉程忽作園居想隔岸人家可讀書

一色秧針青作界幾叢麥穗白搖星少年句可行程續只

惜難廻髮青

首句少
時句也

研光好紙有前身巧製全歸力作勤山下漚池池內石一

太乙舟詩集

卷十二

六

層雲影漾波紋

高處盤雲低拂蹊蒼官青士列行齊重峯疊嶂相回抱卅里行程信馬蹄

蹲鴟有桀亦田田檠雨誰吟翠益鮮一笑愛蓮翻別調秋聲秋色綉塍邊

龍巖往漳州途中雜詠

四山廻合莽相圍處處梯嵐上翠徬遙見一峯有茅屋如從此處下朝暉

鳥道難通方軌輒奚囊却在惠施書溪名喚醒春明夢戀

關心懸叱馭餘

有汎地名九車溪不知命名何意

山行不許辟行人軼事當年記憶真今日鮮民悲陟岵敢
誇身是宰官身先君由太平往徽州獄時山行遇樵夫擔夫不令胥役驅逐
田父安能知拜石奇疆往往綴山田煙簑雨笠勝袍笏我
羨閭農盡米顛

卽事

絲雨蕭蕭竟日陰故園氣候此時心雨鳩不喚晴鳩出夢
聽春山磔磔禽

途中雜詠

繡隄分疇整復斜黃流盈路走泥沙沿畦小澗忽搖翠映
水低飛蝴蝶花

雲氣朝來散未勻，輕霞淡捧日輪尊。
鵲鳩喚曉晴應定，綠樹陰中過一邨。

鳥衣巷外野塘清，蒲葦邊傍艷影生。
幾穗紫茸斜帶日，慈菇花態最宜晴。

水口舟次

隔幔摩登遞糝羹，將白粲話長生。
蒸砂作飯非禪定，說法聊當舍衛城。

聞舫生涯數百年，情民無計可辭船。
如何此習龍鍾却，女織男耕不索錢。

野望

望裏人烟似畫屏
車前斜照映郵亭
女牆遙在疎林外
柳出洋風一桁青

題寶甸旅舍壁用春松韻

鸞鵲鶴駕滿瑤京
官府仙人足此生
琪樹一枝容我倚
蓬山雪影亦多情

壬戌冬余乞假歸里約家竹香兄同行追及之于富
莊驛今過宿候館卽其地誌感二首

當年携我返江鄉
跋涉關河有雁行
候館重來人迹杳
夜臺何處夢淒涼

推誠負氣是生平
巧詆還成宰相名
媿我不能教孺子
幾

年浪迹客春明

竹香幼子頻年居京師
余愧未能督課之也

雨中至蘇州值糧艘北行楓橋以南江狹難以並舟

遂泊寒山寺作絕句三首呈林少穆中丞

石尤風裏縱船開水驛山程首重廻領取江南春色好杏

花時節訪君來

細雨春帆得轉風寒山寺外又疎鐘禪宗頓漸分門處一

笑平生是漸宗

昨日一雨爲公愁今日一晴知消憂淮東西與江南北祝

取豐穰歲有秋

溪聲

溪聲隨我作山行
証性工夫當誦經
試與坡詩添註腳
麋長舌要世人聽

瑞太守容堂招遊煙雨樓金陀別館賦此留別金陀
館今歸陳氏主人業雕刻屏幅甚工

山水因緣洽主賓
深秋幽興及佳辰
雕鐫物態無奇句
我愧金陀館主人

過釣臺作

風風雨雨到衢州
雪後晴光喜放舟
不信看山同讀畫
巖灘殘雪在山頭

自石門洞行十五里有山舟人呼爲雨巒山有瀑布

而氣不能飄逸不及石門遠矣戲成一絕

懸崖是處可飛泉山不宏深美不傳比似文家無氣體
弁州四部亦炎炎

甌江雜詩

不深不淺甌江水一橫一縱轉航行若許終身領江色
買山徑欲事躬耕

甌江舟行雜咏四首

山如潑黛水如油水轉山迴步步幽除却釣臺灘七里
處州山水勝嚴州

平生未睹懸崖瀑今見晴雷挾雨飛一畝庭寬容宴坐
徑

思此處掩柴扉

如獅如象踞山門一徑中開繡壤存佃種佛田書院廢文

咸枯坐默無言

扁題噴玉溯當年是我平生私淑賢

雷翠庵先生

今日後公持

使節如何不愧此林泉

觀奕

春陰一院靜魚扉簾外丁丁落響微莫笑王賓機事足能

永退步卽忘機

戒貪戒躁屈能伸堅壁方爲守黑人澹定中存清淨理借

他兵法去修身

先機遠慮此中存底事登場識易昏省識局終柯已爛只
須袖手莫輕言

從來技到通神處刻苦工夫卽道心渠自不爲千載計旁
觀何事獻虞箴

京師立郡邑館館必供奉文武二帝蓋鄉社遺意也
家大人以椿樹二條徬徬宅作黎川新館所供像
及記文自家大人出守後皆佚去予旣補作後記
又于厰肆中購得 聖像供奉前堂敬題絕句八
首紀事

聖朝崇祀壽亭侯 封號文昌典金優郡邑館沿香火例

黎川俎豆亦千秋

我翁割宅爲鄉人適館期安應舉身一記一圖何處覓感
他數典到椎輪

青雲接翅望同鄉往事趨庭指示詳蓉鏡要分衣鉢樣點

晴親乞戴平章

家大人所畫聖像邀大庾師爲點晴蓋戊戌年師作狀元時也

喻侯化去

寶忠

魯公歸

蘭枝

佳話當年記者稀賴有諸公

師老輩憑將宅券守龍威

弓冶箕裘事亦平補圖補記盡吾誠從他月旦憑胸臆羸
得人間好事名

畫手評來是國初上頭竹垞作分書真經曾乞蘇齋寫庭

訓心傳覺世餘

大人曾乞覃溪先生楷書闕帝真經將捐石贈人此豈竹垞隸書雖真曩莫辨而訓

詞固可覺世也

神燈擎處照人間風馬雲車境暫閑

圖中境界如此

十七世身同

指點祇憑孝友到鴛班

一架藤花滿院陰同人曾和補藤吟此藤若比科名草神
聽能知種樹心

題老子觀井圖摹本

以繩度已凜乾乾觀井圖從太學傳欽器金人同示戒守
身何地可忘旃

呂翁祠題壁

未許將身出世塵
海山何處問迷津
黃梁飯好從君乞
我是初來入夢人

漫從磁枕問行藏
肉食功名大可量
解得神仙有經濟
化身翁是杜黃裳

湯臨川以裴休杜黃裳爲盧生同年具寓言之意

已卯春闈與李石泉論攝生之法戲成一絕

森森梨棗及時栽
脉脉河車往復迴
燕罷紅霞無个事
待他龍女獻珠來

題唐六如自畫鍊丹圖應吳鳳白同年屬卽送其之

官新昌

縱酒清狂不慕仙
自題詩句儘流傳

六如言志詩云不鍊金丹不坐禪不爲商

大石詩集 卷一二
賈不耕田閒來就寫青山賣不
使人間造孽錄見堯山外紀
如何丹灶安排處跌坐蒲
團又坐禪

仙論功德佛慈悲僊佛同宗理可推我是部民因讀盡知
君度世有深思

松陰滿地護梅花畫意詩情兩足誇循吏傳中訪仙令西
山故自屬君家

西山爲郛城山祀許
真君晉昔旌陽令也

永濟寺和心餘先生題壁韻

香雨思尋說法綠白梅花影漾春煙禪關小憩拈花去迦
葉知吾住世年

世緣因我似重圍豈有閒身傍釣磯省識懸崖在平地衣

珠只覓自家衣

原詩云我生未到懸崖上不向山僧乞衲衣今爲先生下此一轉語

恒河沙積幾微塵乞食從來苦問津我待飽餐香積飯轉

經說與世間人

說法何須現宰官打包隨處有蒲團不生不滅三摩地只在儒林傳上看

初八日臥佛寺觀浴佛

妙相莊嚴古剎開更遵遺制洗塵埃憑伊識盡恒河性終自能乾愛水來

定慧寺嘯軒落成詩

吳中亦有東坡界特建新祠著嘯軒二土由來同一在公

詩如偈佛無言

佛法須無人我相
穎湖會詠百東坡
會公此意新成構
彈指華嚴現剎那

臨皋亭與合江樓
鴻爪何須擇地留
更欲與公爲轉語
擬寒山頌本蘇州

迎門疊石小嵯峨
穿洞行時拂翠蘿
真與書齋傳法乳
洞旁亭子奉東坡

亭奉笠屐像
有蘇齋題跋

題金壽門蕉葉硯

廿四橋邊遺稿在
吳筠齋畔讀梅花
不知蕉葉濡毫日
僧壁曾籠幾度紗

余在揚州吳穀人先生齋中見
壽門集中說畫梅花事最多

題梁芷鄰所搨紀文達贈未央宮瓦硯銘冊子

未央宮殿鬱崔巍遺瓦猶堪作硯材不識當年楊馬手陶泓何處染毫來

本師持贈見交情三世留傳搨本成信有人間文字壽可垂無極說長生

廿年前謁閔微堂恨不持經帶草旁今日與君論漢宋更誰舊學與商量

阮芸臺相國寄贈大理石小座屏其陽刻字曰秋林霜葉其陰刻字曰琅環鎰硯屏賦二絕句誌感

天心仁愛護寒松請看秋林蒼翠容結子餌仙傳五粒耐

霜不礙著霜濃

硯屏詩憶東坡子句爲歐陽季默裁不負當年知貢舉護
他頭地愛他才

觀生閣花蝶

棲靈山下讀書齋春到園林詩境開此日折枝圖乍展兒
時捉蝶夢都回

重陽日食蟹有憶

鯉魚風急雨如絲此日霜螯只獨持記得玉人樓上座
簾秋影漾綃帷

一千里外六年夢爲把霜螯首重回一種芙蓉脂面好累

他纖手壓杯來

楚翹以閩中海丁香見詢未之知也賦斷句以報
食單漫與議芳鮮仙荔螺柑遠莫傳考訂因君發瓊想丁
香未結海東緣

題瑞萼圖

曼陀羅亦尋常樹孝友門庭瑞自成一笑世人頌花木只
誇旌節與科名

題謝向亭秋菊雁來紅幀子

千霄彩筆好年華康樂詩名自一家笑我飛騰過莫景延
齡端要治薔花

牽牛花

秋露垂垂滴滿庭一鈎斜月墮流螢怪他樓畔穿鍼女盡
取寒花向晚屏

月季

也向春風艷彩霞也同寒蕊門霜華中和性自隨時好生
就人間五品花

擲菜

霜畦葉擁晚風涼采擲從誇此味長却笑年來諸客況故
園風色憶江鄉

送薤菜與何仙槎

遣暑思違醉一巵
隔城消息恐難期
食單他日酸寒味
與先生得預知

送薤菜與奎玉庭芝圃

露葉風條入饌宜
年來小圃費鋤耜
將老圃酸寒色
賺取郎君菜把詩

爲何昭山題畫白菜

菜根許斂未全貧
步履曾尋小圃春
一笑棘闌飽公膳
蹴蔬恐訴夢中神

爲王霞九題畫白菜

食單待遣門生議
生意先看畫本工
一頃綠雲吹不散
儒

門認取舊家風

謝芝圃太守西瓜之惠

翠蔓盈畦水欲波摘瓜時節屢經過因君一賦西洲曲甘

載鄉雲入夢多

吾鄉種瓜地土人名之曰西瓜洲

地接樵川百里遙楚材晉用惠頻邀守官須隔鄉人面口

福憑君慰寂寥

予先期致書鄉人母至邵武相訪喜其咸信余言

訪梅西湖

一棹西湖泛釣槎冬心有夢約梅花春風品格端嚴處不

數仙人夢綠華

題白華畫松爲鄒霞城明府作

松勢蟠空作風雨攫拏似有鱗之而籀龍迹地出頭角我
見詩翁畫竹時

頭沒酒杯盤礪羸醉中畫興憶當年食松不住人間世去
作楞嚴十種仙

虹舫以其令弟小珊格試作牆外桃花圖以寄懷屬
題

池塘春草夢如何怕說春風管領多纔喜連床對風雨却
成咫尺隔山河

阿連不來阿咸去一遊山右一江鄉舍弟沅不與計借舍姪希頤自江南送眷

屬往山西他時笑與家人說牆外桃花香更香
遂不北來

題白桃花畫幀

水晶簾外玉欄東
漠漠春煙淡淡風
省識花叢真色相
笑他春事競繁紅

優曇花發幾多時
一卷楞嚴合誦持
白業悟來過卅載
滄山待覓志勤師

偶見

無多籬落雨三家
作苦終年未有涯
滿地綠陰如水積
茅簷紅出一枝花

詠桃

溪橋南畔裹紅霞
故里年年春色賒
記得今年詩夢在
出

門時節未開花

詠柳

南浦依依黯別魂
曾勞青眼照離樽
而今不遂封侯願
空向秋陰洒淚痕

題羅寶田桃花石榴花梅花橫幅

榴房桃萼鬥新奇
不忘枝高出手時
說與百花頭上放
師生心事友生知

題陶子俊編脩梅竹石畫幅畫爲黃小舟編修筆

冰雪叢中艷影開
抱雲玉骨與徘徊
天寒翠袖能耐穆
契身原自許來

花倩土前輩屬題桃李芝蘭橫幅

鎖闥仍得事枚鄒晚節同耆老
圃秋我亦題詩慰宗武輪
公彩筆接瀛洲

題黃載弃桃李重栽橫幅

染將淺碧與深紅兩度吟秋意思同
準倫杏園芳訊在秋
花努力祝春風

使院桂花初開奴子折供小瓶喜而有作

二首

廿年鄉夢眼中迴喜見瓊枝使院開
猶望見曹能折取掄
材安肯負真才

草堂小築傍神京種樹心期次第成
陟覽禪心逼鼻觀客

中先進夢魂清

太乙舟外集卷十三

新城陳石士甫著

三男蘭第
從姪孫璣校刊

笑賦

昔者無爲子遊神乎廣莫之鄉寓意乎泰寥之府虛牟乎
六合矯首乎上古元閭不啟谷神寂處忽焉起坐振衣長
笑賓賓先生過而詫焉曰子之以談泊爲懷者有年於茲
矣謂宜釋智遺形嗒焉若喪撫有爲無出入浮虛顧乃情
極於溺人之聲而形疑於濕灰之揚母乃汨性焚和而玄
牝之守不固乎無爲子曰否否子固迹夫響而未尋夫竅
也今夫天得一以清地得一以甯其氣升降與物爲體苟

智不足以相扶胡爲藐焉而於茲中處吾蓋超今忽今倏
得其真愔兮恍兮有動於中而直以笑爲寄焉者也約其
大旨厥有三端姑坐毋躁爲子一言昔者生民之初狂狂
蠢蠢木石與居鹿豕爲羣坏飲之風旣草穀烝之禮旣著
而野井井以微法助陌蕩阡裂秦蹶周仆自三五而還制
增夫綿蕞法密夫秋荼者蓋更僕難數也於是塵堞爲其
體魄混沌爲其營魂林林總總或息或奔息則剝肌膚而
砭骨奔則骹竿牘以營私橫目旣失其靈而鑿齒乃相與
噬之一動一靜一剝一復壺驍電笑刑天鬼哭陽藉陰救
舒以慘續帝甯不忍於斯民而生殺固相爲倚伏也上覽

天時或春或秋春膏煦姬秋霜虔劉相時序之代謝固亦
安之如故痛蕙蘭之不芳憫萌芽之委路欲扶瘁而樹椿
事亦知其不可紛形聲之沓至蕩耳目以掀簸悲從中來
淚下如瀉一笑置之乾帖坤妥乃諷詩書乃揖師儒一悼
其智一憫其愚曾殊稟於黔首而履錯之不逾鶉不可援
豕乃競發苦李後掇甘井先竭麝以香薰象以齒焚濫觴
既遠沮洳旁分諷子矜於城闕佻達今猶未艾惟馬父之
深憂不說學之爲害靡疏濬以宣其惡今固衆穢之所萃
也楊檻泉之清冽今猶且危乎其旣也髡譏龍辯孟訕孔
逐橫議餘波巧辯盈軸彼羸氏之一炬鴟不懷夫好音餘

活哇於六代固猶揚其袂塵言與行之背馳兮辭與志其
異趨紛獨爲此變態兮陳大衛以焉如臚盛衰於今古兮
攄憤懣其奚舒碧天地之震蕩兮縱一笑以忘憂且夫捉
襟露肘衛光結駟聲出金石名高天地彼顏氏之陋巷樂
簞瓢以屢空傷仲由之負米廼祿養之遺痛惟養志之有
道乃孔氏之遺規彼新野之餓卒羞王霸之忸怩斯義迄
漢其猶未沫兮暨唐室而中衰誦三書於韓子兮變素志
之堪悲事會固益以遄迴兮悼積歎之莫挽夫孰親養之
可忘兮孰非義之可踐惟韓子之持道猶足以處夫中世
寄衡門以浩歌長鬱邑其佗僚彼忠信之恒稟乃不遺於

十室諒美人之多艱情耿耿以何極何皇天旣瞻此下民
今又顛躓於其所遭吾欲爲之一援手焉又惡夫理拙而
媒勞中夜展轉永言歎息忽爾反顧默焉竟日念吾身之
靡立曠宇宙以寂寥曾出位之不戒猶遊思以自消夫是
以盱衡今古獨立徬徨旣自哂其無謂而益增之慷慨者
也子言雖善於吾意固相逕庭矣雖然亦嘗以子言爲監
史冀以日救其所未足也于是賓賓先生搢笏而起整衣
而立曰吾向知子之名而已今乃覩吾子之志矣由斯道
也阮籍之哭未足喻乎中道孫登之嘯未足爲其幽憂也
吾儕小人不知深義遷延席端再拜而退

秋林覓句圖賦

蔣醉峯爲王春堂守備作圖春堂有自鏤印曰戎馬書生辛筠谷前輩渴題

清景初澄詩懷再寫喜林影之蕭疎寄遙情之瀟灑風來則斑管初停月出而研箋仍把孝廉醉墨圖自良朋戎馬書生君真健者夫其儼居薊北謁選春明門多長者之車轍室餘古籍之縱橫林邊步屨花下傳觥露莖濯翠霜葉酣頰他日短衣從縛此中佳句潛生乘一障而功名待建手八叉而聲韻先成蓋卅年前之豪情勝槩也今者吞雲夢于胸中其何以賦襄郢而詠荊衡乎安州之俗喜儒尙

義覽記載于前聞詎今昔之殊致溯授政于歸詩期靖其
于爾位白兆之禱雨斯誠屯衛之運田斯置斃若人之能
賢軫民依于所莅屬昨歲之水患民皆墊之堪虞問災
于全楚其非獨曰丁隅勤區盡于大吏輯哀鴻以待餉惟
潯導之溝洫與作堤之芟芻曷緩曷亟曷有曷無借箸而
議捧檄而趨君其有紀事之作而情余之未覲夫操觚也

尊壺面其鼻賦

以題爲韻

昭一代聲名之盛考三千制度之繁惟少儀之所錄徵玉
藻以同論燕雖以示其慈惠事不敢弛其恪敦器鄉乎人
爰尙象而具設君專此酒不下帶而衛存故立于西隅而

命酌升於東鄉而設尊惟尊酌酒惟酒貯壺取受所繫酬
酢所須宜夫左者執其事而聿至主夫右者奉其禮而咸
趨壺之用異方圓而皆配以兩尊之名異角散而皆著以
觚當司宮之所陳與樂縣而並戒逮小臣之旣納樂酒醴
以維濡瓦大則用罍夫公尊昭其辨也洗北特西面夫膳
筐惟其稱夫或使還而獎勞或燕居而賜宴用禁用棊大
夫士之側尊房間戶間鄉飲酒之酌膳其肆于彼之爲東
爲西固異于此之或取或奠惟占象于需雲乃成禮于思
眷式燕以衍禮臣者必盡臣歡允執厥中敬君者必當君
而第見有文有節允適允宜置器而取象于陰陽者而如

皇能于五事設具而取義于奇偶者鼻亦受氣于四時水
朝宗而向若心捧日而傾葵人則有禮物詎無知足四寸
而當考口徑尺而無疑法度盛乎禮制惟其若夫掌禮官
之典司承君命而班賜酒肴既陳典章宜備工歌既合樂
以三終賡爵亦旋酬于爾位敬其君命而手足宜疾宜徐
重其典司而瞻顧或趨或避臣敢仇禮義忝夫宰夫之作
主人君則面尊儀別乎楹間之夾尊鼻我 皇上典有
攸司寵錫殊遇用人皆因其材衆士咸持其素義聲布宣
遠近欣慕 聖恩榮照物以忘疲吉人洵鍊精而蹈故
華翼贊之丹心敢觀光而獻賦

律呂相生賦 以題爲韻

惟 天子建中和之極音樂胥調惟 盛世昭功德之
成條理成秩氣分清濁聲有半而聲有全運協陰陽器惟
八而音惟七其因神而存乎其所則隨時而驗乎其佚鏗
鏘鼓舞之術神廣大清明之象出洋洋夫其盈耳小成以
集夫大成纍纍然而貫珠審音固由于審律粵稽夫律也
者本黃帝之神靈命伶倫而獨舉啟兩間自然之音和二
氣必暢之緒一動一靜互爲其根一陰一陽各歸其所其
典樂也有雍雍之節其協律也有泚泚之序求正聲變聲
于濁清本上生下生於律呂若夫勾倨循環但用其六十

調以爲準周旋風雨則必以十二律之有常以參以伍宥
若五味六和十二食之還相爲質以統以會恍若五色六
章十二衣之互相爲彰絜天運于璣衡躔度聿循其次證
人功之學業動靜交養其相蓋剛柔相濟故法陰陽之健
順于無已大小和鳴故協天地之交泰於有成惟叙惟歌
自推遷而修其府事有終有始察治忽以驗夫昇平數以
紀之損益每三分而用一宮其還也上下隔八位以相生
我 皇上體生物之心達太和之具善剛柔之用而律
呂之條理自成得動靜之宜而律呂之引伸中度考往復
于陰陽審環周于度數頌九成之簫韶願濡毫而作賦

和容典舞賦 以鄉大夫之所詢爲韻

聖天子之講禮作樂也將以勤天地和萬方法五帝追三
王化五事之用敬彰九德之有常輝光日盛金玉其相樂
羣雅之輻湊徵盛事于黨庠禮以賓之賢能旣登于天府
退而詢乃衆庶不遺于厥鄉原夫周禮之書成王所以致
太平鄉老之職羣吏所由課殿最爾其體正氣平心凝神
會材或遺于大比之餘詢不出乎玉物之外觀于揖讓以
覘其綏福凝庠徵厥周旋以卜其戒驕去泰惟比禮而比
樂後舉是資以興賢而興能籲俊乃大當夫衆庶之所詢
也退則揚而進則抑實若虛而有若無有翼有嚴心常敬

樂無荒無怠色愈婉愉在醜夷不爭身旣反求諸正鶴白
順正之義德可馴致夫充符和容合詢固儕于詠藹之士
主皮絜技金徵夫屹屹之夫容貌斯動舞蹈斯時不剛不
柔習步射以校武爲步爲伐傲振旅以濟師囊韃固備于
左右鞭弭亦具爲馳驅滿月弓彎見序賓序賢之不忒浮
雲矢疾見旅進旅退之攸宜或屹如山立或快若風追並
執彤弓旅弓發彼有的爭抽鏃矢弗矢各出其奇志之所
在功亦從之觀其志正體直樂和禮舉六德旣微九節有
序鄉老告功司徒設俎六膳新陳主賡式燕之詩三漿是
酌士霑旣醉之處父老相慶小民得所維我皇上之

御宇也身律丕昭衆音有成文之管國子所肄鄉校皆蹈
德之人禮樂繼夫三代陶鈞遍乎八垠敢獻頌曰惟
皇建極兮四方來賓人時敬授兮萬國咸親濟濟鏘鏘兮
俗美風淳淵淵簡簡兮德教是臻 聖朝貴賢兮博采
諮詢鳳儀獸舞兮嘉德日新

參天兩地而倚數賦

以題爲韻

聖人畫卦而禮具君子占事以思覃象列三才合天地人
而畢貫爻成六畫統初中上以相參積數而求之著衍十
八變而求其合觀象而布其策分左右手以互爲探溯八
卦之由始綜萬象之機緣其相摩相盪也因而重之則有

六十四卦之辭義其爲兩爲參也分而揲之止此四十九
策之方圓蓋象以數推圓爲天而方爲地而理由數測兩
則地而參則天原夫天之爲衡也其度三百六十本無具
而無聲其行百八十二非有質而有象考其數而稽諸日
星之躔察其義而得諸時序之掌理該萬有倚此而不窺
運會一元推之而彌廣惟陰陽之對待見其神雖由于數
之奇而造化之流行昭其化必由于數之兩若夫地之爲
衡也東西爲緯而南北爲經輿地有圖而廣輪有紀二萬
六千之里亥步能稽八表四極之遠庚由是誌瀚坤德之
承天配乾象于大地由氣化而形化物紀京垓惟數昭而

理昭算積三二數由聖作理豈人爲欲觀其象于卦必求其用于著筭不外夫陰陽理原昭若算乃寓于奇偶數豈紛而揲者無心默識地天之妙布者以手畢該宇宙之宜或往或來理歸于渾然至一爲分爲合事殊乎萬有可移惟奇偶之相參得陰陽之所起象萬化之周流通一元之遠邇推其百世亦須溯乎太清考其五方何可外乎至理起二四而成七八不變者不占成九六而根一三不倚者曰倚蓋數必由于錯綜之而始成而理可借于能左右之曰以也是則由對峙而流行自寄生而耦具參三無已見生機於以不撓兩二相成見生理於焉相附中虛中實

上溯乎河洛之原圖四圍三旁通乎分股之數
聖天子
參兩大以調元柄四時而成務精研于旋乾轉坤之神工
心澹于無洞徹夫法地效天之妙用物安其素
一人
作觀羣慚坐井之觀萬國抒心咸競披雲之慕幸有路之
可從倚無私而獻賦

試帖

賦得午門受俘

得成字

上將遙

宸算西陲慶洗兵俘從馳驛獻禮以

御

樓成劍佩千官肅旌旂七校明

皇門書列解擗鼓樂

垂聲頡利啞唐捷康居陋漢盟惟

皇彰撻伐與世導

昇平葱嶺和風扇天山夙稜清

育仁兼正義寅令頌

由庚

賦得守邊在得士

邊材非易得戡亂貴深籌士苟廉能著功知指顧收三
招悍虜一范懾驕酋堅壁無驚壘先機有伐謀采薇歌待
弄枕杜賞應酬偃伯靈臺頌天山佇速郵

賦得金錯刀

得金字五言八韻

西域錢刀在交文錯以金星星留暗彩渺渺話遺琛輪廓
何妨楸縑繩合配綬鈐鋒名借昔園法制垂今割詎啻錯
鈍工休向削尋鵠膏辭薄蕪苻葉訝輕沈應奉邀恩遲張

衡寓感深寡藏富久貨幣不須箴

賦得唐小鏡

得銘字五言八韻久離悲恨深故留明

銘曰乍別情難忍鏡子持照守貞心

貞心何處託鏡上已辭聽別久難成夢情深故有銘調鉛
憐昔案寫月愴今撫廻照帷應掩偏持手肯停詩傳天寶
代人複子雲亭以彼芙蓉檻悲余翡翠屏鄉雲千里碧墓
草幾番青新咏多根觸香臺只合扇

賦得蜀中短鋤

得鋤字五言八韻短鋤于蜀中桐城江

紹興余長生得魚之以千錢易

得

杜老長鑱外何人此短鋤不携辛秀手或傍灤川居物賤
誰珍此名高倘借渠尋常腰可繫造次草應除苗劄黃精

水竹齋集卷十三
煙橫赤甲餘披雲三徑出握月一彎如觀艾還名鉅與
日本利鉏倪寬經可帶吾欲事經畬

賦得心遊萬仞

得遊字

省識文心妙澄觀慮自周五丁同鑿險萬仞擬絕幽裊裊
憑虛造森森與目謀二分垂趾處九點落煙頭老鶴盤遙
岫霜鷹刷遠秋蹕空追駮耳奔日逐驂驪元覽天機發精
思物態收好將雲錦段持向廣寒遊

賦得衡在瓦甍

得存字

欲識希夷衡應知卽目存陶鈞能範物瓦甍可忘言俯看
苔錢染高憑月浪翻段方誠有戒畫墁敢同論疊處炊煙

袁拋時鳥雀喧馬犀垂壁帶斷碣掩頽垣鎔土初成質停
雲詎有痕蒙莊多妙諦一爲探根原

賦得玄旣珠

得珠字

夏后元圭錫羣神効走趨翠華宴河伯瑞寶獻行厨光乍
疑于月音還出自珠雲璈諧玉管湘瑟壓齊竽終始三成
奏周旋六律俱澄輝初朗徹逸響共恬愉樂稱賓筵合名
徵水德符鄉媛紀遺事誰繪集靈圖

賦得匠石運斤

得斤字

匠石稱殊巧能揮堊鼻斤運時方共眩漫處已全分妙析
微茫質寔傷粉繪文月明三折浪風卸一層雲熟技從無

啟神鋒迥不羣入虛心自敏完樸念原殷真訝天工奪空
憐拙手勤蒙莊推至理一爲紀前聞

賦得菱荷翻雨潑鴛鴦

得翻字

碧沼酣香夢鴛鴦護藕根光搖波影動涼送雨聲喧乍覺
紅衣濕從知翠蓋翻馮珠剛弄彩舒錦不疑暄露網層霄
暮境儘五色昏阿誰擧水佩應與泛瑤樽寶唾真留暈仙
裳欲印痕湘簾斜啟處樓上幾消魂

賦得孤艇接殘春

得殘字

極望水天寒扁舟泛夜闌斗迴杓乍轉春到歲方殘書劍
橫孤影乾坤浸雨九羈懷隨暮節帆勢入雲端綵勝誰家

颺檣烏盡日看恰欣生意透未訝客衣單梅蕊也微坼
霜影乍乾星源逢太乙好與拜仙官

賦得蜻蜓立釣絲

得絲字

碧沼明如鏡澄澄漾釣絲一痕縈薄霧百尺照文漪乍覺
蜻蜓倦遙憐蛺蝶隨溶溶秋萬頃裊裊立多時點水剛斜
掠和烟忽暗垂檻前魂欲化樹底眼偷窺月淡疑無影波
涼訝浸肌沈竿休便起輕向岸旁移

賦得古硯微凹聚墨多

得多字

古硯能留墨微凹聚處多拈毫頻許蘸點露不煩磨鸞眼
明春黛龍寶漾碧波嵌空雲一朵貼鏡鉤雙蛾石骨何年

新松煙此日和陶泓傳自久

桑鍊憑誰鑄元

亭許爾過若逢書詔手珍重上鑿坡

賦得花與思俱新

得新字

擗管沈吟日迎風旖旎辰心花看欲似芳思書難真爛漫
含朝露清芬掃宿塵芙蓉初出水池草暗生春合與江郎
寫應俱畫錦陳文成披閱處摹景一何新

賦得始見香爐峯

得廬字

適稱登臨志扁舟泊岫初峯巒通指顧面目認匡廬雲訝
烟痕繞鑪看日照餘果然名勝地到此夙懷撫刻畫宜鳥
有雕鐫仗子虛空懷塵外想憶讀遠公書始見千尋秀還

疑一夢蘧山人詩興逸應擬賦相如

賦得芍藥當階

得春字

嬌紅輝一色芍藥正鮮新得氣無嫌暮當階好殿春豈曾
酣卯酒如欲媚芳辰鹿韭知同友芙蓉未可珍迎風翻玉
砌傾露濕香塵不借朝霞映應疑火齊陳時飄承柳絮相
傍有文茵宏敞開深殿堪爲搢笏臣

賦得大苞羣生

得生字

潤物功原鉅無私量亦宏神機看浩浩大德欲生生得一
資乾體苞羣合地行魚龍深窟宅草木藉敷榮萬里均沾
澤千秋利不爭至柔含至健無迹自無名誰任盈虧數難

爲邱壑情允哉文子語與水共爲京

詞

踏莎行

富春以上緯夫由此岸轉彼岸者登舟剪江而過戲填一闕

百丈遙牽西崕漸陡踏波欲向平沙走
鷗聲啞軋起中流
下船共引東岸手

笠影晴朝灘聲雨晝詩情畫意連隄柳
舵樓晚飯有招呼
隔船指點飛蓬首

兩同心

九月十四夜閨中夢靜娟

樸素衣裳行步安詳隨大婦故鄉清晝
澹相對曲檻迴廊

安排處石鈇筠籠事事家常

自從歸著朝行別構雲房悔絳樹銀屏雙貯只貯得怨蝶隨
待按取鈿柱永絃怎不思量

清平樂

煦齋師蘆荷花圖

香清影潔照過中秋月更約菊花盟晚節來與早梅同列
得佳亭畔吟成畫情交付門生玉雪一般爲骨祝將依
舊調羹

沁園春

募修謝文節祠用文文山至元間留燕山作詞韻
抗節人遙古寺新祠金峙何妨歎儼居儒服捨身佛法不

逢高足誰識忠腸

初欲建祠于憫忠寺內爲寺僧所阻乃購民地建斯祠詳見秋農尚書祠記

柴市前頭文山廟貌俎豆今年亦薦香

文文山祠亦于今年拓修竣功

鸞侶似延平龍劍彩壓純鉞

補牢莫歎羊亡看義舉終

歸翰墨場喜閒區十笏昨成書荊名花幾種來送春芳歇

壁豐碑表公夙志擬結精廬趁歲陽

近買得祠旁隙地一畝許鳩工伊始馳

書去料畦蘭畝蕙肯與商量

東風第一枝

寄懷鄧子久

貼妥才情溫醇氣象年華正是初日曉來不倦臨池宵分
尙勤散帙真佳子弟憶小小分將梨栗是而翁茶罷吟餘
窗畔喚人藥出

旋聽說謝郎裘屐旋見取鹿鳴解纓世江待空樓風雨
待簪彩筆陳蕃榻掃下榻處盼誇佳宅子久高料庭畔座
非開時應賦雜香標格吾齋前壯
丹甚盛

調笑令

感懷

霜重霜重萬一故人通夢寒帷燭暗空房鏡裏星星鬢霜
鬢霜鬢心字香燒一寸

十六字令

聽月沒流雲雨暗星挑鏡話無復影娉婷

苦雨有憶

離尋舊夢難拋舊恨雨絲如織愁痕懸溜才停碎珠仍漾

情差似此更番

皮日休詩五更看月是情差朱竹垞詞波堪憐此日騎省為哀思不信總為情差

暈欲侵門記个儂扶病同話黃昏伏暑重經只憐無計覓

秋魂 丁沽幾日歸艸有離心似水送汝江村綠了今生

人非舊雨牽蘿情事誰論牕外濕雲屯悵堦前印屐永斷

迴鸞紫淚光中仰看屋漏有痕存

好事近

夢有人謂余書為七分書者覺而不知所謂戲填此以索同人一笑

楷法溯分書自笑此生無分誰與臨池獎借到秋蛇春蚓

作人若與較高低一種覺才鈍敢便向溫公比只二分

猶遜

程子謂溫公是九分人

感皇恩

晴芬少農拜紫禁城騎馬之恩命

虬箭咽銅壺天街星曉待漏何人策驥裏顧雍清望
儒臣恩早儼文傳藝苑似坡老東坡謝賜對衣金帶馬
執最工君文殊似之鴻
施逾分駕姿服皂君謝表
中語向我殷勤語懷抱識途師智不
比馳驅年少遠猶君努力膝應造一作有
辰告

玲瓏玉

早起喜雪
東顧兼瑞

糝徑鋪瓊更空際影影飛花枝頭錯落曉光全著銀芽怪
底玻璃結暈隔糝糊窗影難認朝霞朝霞漸天邊推上雪
車料得豐穰有兆恰三番迎臘今年三
見雪來茂堪誇昨夜

圍爐問淺斟低唱誰家遙知袁安高卧可記取朝
天

有客正控文騶

謂君家
少農

撥灰候笑陰何應許手叉

真珠簾

杜石樵少宰同年畫西湖詩意于簾見贈金題詩問賞牡丹約賦一闕

問花心事消寒夢寫江天一棹錢唐初送曾否訪西溪認
挂枝么鳳觸我紅羅亭畔感空說有鼠姑矜寵清供羨香
雨繡紛佛雲君擁惆悵小築林霏聽年年燕子春來問
啼已過了花期欠酒懷豪縱情客有情緣未結難與話聘

梅情重

今年海棠開未盛

低諷倘句續林逋聖湖春動

滿庭芳

送魯服齋觀晉

北旆宜留南轅且駐綠肥紅瘦天涯裁蒲翦艾商畧醉榴
花一笑吾能投轄只魯酒持勸君家三蕉葉知君持觴大
戶不矜誇君近止酒悠悠分宦轍相看霜鬢共惜年華儘風

情猶在珠斛溪紗歸去玫瑰低詰籌香夜底感匏瓜隨綠
好鶯遍燕喜會與報秋槎

渡江雪

送吳梅梁觀察

相帆開九曲繡衣直指問俗一褰帷才鋒歐冶鍊驗取十
年聲譽出金閨數陳中窾昨領受天語彤墀匡濟懷

蕙纓蘭佩潤色到新詩旌旗頻年使節玉尺頻携記雲
卿孺子題詠外唐宮舊趾蜀相新祠知人論世深情在請
從祀章奏羣推聽輿誦宣公莫負心期

百字令

從熙齋師齋中夢得宋嘉祐年間壽星像填一闕

玉津園外倚千條綺陌市塵鱗次酒客何來形狀怪鯨吸

老饕遊戲異事傳聞玉堦宣見飲咬良如是司天臺奏壽
星見紫微位 此是嘉祐年間傳來畫稿今日歸中秘退
直臨摹東閣昨丞相喜譚文藝玉軸裝餘錦函開處著錄
門生事飄蕭白髮爲拈湘管成記

百字令

春湖少空周甲初度賓谷前輩邀全廬容芬
大僕吳蘭雪舍人偕余及余從孫子思集尺
五莊置酒余更乞黃穀原
作書填百字令一閱介壽

綠陰初靜揀水雲深處一樽相餉韋曲池亭聊寄眼安得

拓園詩舫

拓園少空粵西寓
園名有池有舫

尊者南豐邀荆李重更與盧

敖抗

賓谷前輩
少空爲尊行

寒山拾得共話雲倚花傍

早信恬澹

襟期待登周甲履曳星辰上十載萊衣留戀久老了黑頭

卿相主客題襟粉榆結社壓倒旗亭唱烟霞緣分恰逢佳
客來訪

滿江紅

追悼小雲別
駕却寄吳門

黃鶴樓頭風吹去吾宗小阮渾不料魚鹽渾跡吟魂不返
滇海官辭毛義檄蘇臺夢斷曾元饌更衰親買棹漢江來

悲含飯

懸河口生花管才誰敵命何短

乙酉春小雲招
遊法源寺看海

棠

昔題詩卷

余昔題小雲春藻集有韓范功名
班馬筆知君不僅是詩人之句

雲路縱難

登上駟霜蹄豈意摧長坂歎從今穆氏說醞醕人今罕

一夢紅

喜晤潘紅襟同年
卽送其旋粵西

賞花時問黃花開未舊雨話襟期雕玉才華綻金消息中

秋月到東籬縱諧謔航船一棹喜聯襪豪飲興淋漓比似
杭州酒痕堪念離緒如斯更喜昔年張緒尚鬢鬢春影
不上霜絲銅柱功名烏臺氣節犵童蠻女能知廬阜畔甘
棠幾樹有部民重與誦前詩吟取魏公晚節聽頌蘭錡

謝池春慢

題謝向亭遺照是甲戌年同分校
禮闈後屬華君冠所作行看子也

池塘夢草交誼豈殊昆季彩筆罷干霄禁苑辭聯騎零落
金筌句茫昧玉樓記我年衰君齒未浮生如夢愴絕人間
世古厓華老曾乞與傳神技一幅長收護十載成交替
乍展吟秋影陡入傷春淚石函青桐泚翠清揚

携書意